

2

Die Grundtlichen Und rechten haupt
Artickel / aller Baurſchaft vund
Hundertſſen der Baiſtlichen vñ
Weltlichen oberkayten / von
wölchensy ſich beſchwert
ſy vermainen. ¶



B. ST. B.
MÜNCHEN

Dem Christlichen leser Fryd vnd
Gnad gottes durch Chyrum.



Es seyn vil wider chriſtē / die yetzū vō weg
en der verſamleten Bawſchafft / das E-
uangeliſion zū ſchmehñ vrsach nemen / ſag-
ent / das ſeyn die frucht / des newen Eua-
gelions: Nyemant gehorſam ſeyn / an al-
len orten ſich empor heben vñ auff pōnen / mit groſſem
gewalt zūh auff lauffen vnd ſich rotten / Gaistlich vnd
weltliche oberkaiten zū reformieren / außzūreytten / Ja
villeucht gar zū erschlagen: Allen diſen Hocloſen freuen
lichen vrtailern / Antwortē diſe nachgeſchribne Artick
el / Am erſten das ſye diſe ſchmach / des wort gotes auff
heben / Zūm andern die vngehorſamkeit / Ja die Em-
pörung aller Bawren Chriſtlich endtſchuldigen / Zūm
erſten / iſt das Euangeliſion nit ain vrsach der Empörung
en oder auffrüren. Dye weyl es ain rede iſt / von Chriſto
dem verhaiſſne Meſſia / Welchs wort vnd leben / nichts
dan / liebe / Friede / Geduldt / vñ ainigkeit lernet. Also
dz alle die in diſen Chriſtū glaubē / lieplich / Friedlich / Ge-
dultig / vnd ainig werden / So dan der grund aller Ar-
tichel der Bawren (Wie dan klar geſehen wirt) Dz E-
uangeliſion zūhören / vnd dem gemēß zū leben / dahin ge-
richt iſt / Wie mügen dan die widerchriſten das Ewan-
gelion ain vrsach der Embörung / vnd des vngehorſams
nennen: Das aber ettlich widerchriſten vnd ſeynd deß
Euangeliſij / Wider ſölliche anmüttung vñ begerung ſich
lonen vnd auffbōnen / iſt das Euangeliſion nit vrsach /
Sonder der teüfel der ſchedlichſt ſeynd deß Ewangeliſij /
der ſolches durch den vnglauben in den ſeynen erweckt /
Hyemitte das / das / wort Gotes (liebe / fryd / vnd ainig
keit lernent (vndergetruckt vñ weggenōmen wurde.

Die wider
Chriſten.

Des newen
Euangeliſij
frucht.

Antwort.
d artickel.

Entſchul-
digung der
Artickel.

Roma 11

Roma. 11

Esai. 40.

Roma. 8

Exodi. 3

vnd. 14.

Luce. 18.

Zum andern dan klar lauter volget / das dye Bawren
in iren Artickeln solches Euangelion zur leer vnd leben
begerendt / nit muge vngheorsam / Auffrurisch / geneint
werden / Ob aber Got die Bawren (nach seynem wort
zu leben angstlich ruffent) erhoren will / Wer will den
wille gotes Tadeln? Wer will in sein gericht greyffen?
Ja wer will seiner mayestet wydstrebe. Hat er die kind-
er Israhel zu im schreyendt / erhoret / vnd auß der hand
Pharaonis erlediget? Mag er nit noch heut die seynen
erretten? Ja er wirts erretten? Vn in ainer kurtz? Der-
halben Christlicher leser / Solliche Nachuolgendt Art-
tickel lyse mit fleys / Vnd nach mals vrtail.

Hyenachvolgent die Artickel.

Der erst Artickel.



Im Ersten ist vnser diemüttig bytt vn
beger / auch vnser aller will vn maynüg /
das wir nun für ohin gewalt vnd macht
wollen haben / ain ganze gemain sol ain
Pfarer selbs Erwölen vnd Eyesen. Auch gewalt haben
den selbigen wi der züent setzen / wan er sich vngepürlich
hieldt / Der selbig erwölt Pfarer soll vns das hailig E-
uangeli lauter vn klar predigen one allen menschliche zü
satz / leer vnd gebot / dan vns den waren glaubē stet ver-
kündigen / geyt vns ain vrsach got vnd sein gnad zü bit-
ten / vns den selbygen waren glawben einbylden vnd
in vns bestetten / Dann wann seyn genad in vnß nit ein
gepyldet wirdt / so bleyben wir stet fleysch vn blüt / das
dan nichts nutz ist / wie klarlich in der geschriff stat das
wir allain durch den waren glauben zü got kōmen kind
en / vnd allain durch seyn barmherzigkait sällig müssen
werden / Darumb ist vns ain söllicher vorgeer vn Pfar-
rer vō nöthen vn in diser gestalt in d geschriff gegrindt.

1 Thim. 3
Titon. 1
Actus. 14

Deutro. 17
Exodi. 31
Deutro. 10

Johann. 6
Gallata. 3

Der ander artickel.

Züm andern nach dem der recht zehat auff gesetzt ist
im alten Testament vnd im Neuen als erfüldt / nichts
destminder wollen wir den rechtē Korn zehat gern gebē /
Zoch wie sich gebürt / dem nach man sol in Got geben /
vn den seynen mitaylē / gebürt es ainem Pfarer so klar
das wort gots verkündt / Seyen wir des willen hinsüro
disen zehat / vnser kirch Bröpst so dan ain gemain setzt /

Wie dann
die gantz
Epistel zü
den Hebr.
saget.
Psal. 109

Genesi. 14

De. 12. 12 Sollen einsemlen vnd eynnemen / darvon ainem Pfarer
 er so vō einer ganzen gemain erwölt wirt / seyn zymlich
 gnügsam auffenthalt geben / im vnd den seynen / nach
 Deutro. 25 erkantnis einer ganzen gemain / vnd was über bleybt
 1. Thim. 5 sol man (armen dürfftigen / so im selbē dorff verhandt
 Math. 10 seynd) mittailen / nach gestalt dersach vñ erkantnis ain
 1. Chor. 9 er gemain / was über bleybt soll man behalten / ob man
 Kayser müßt von lands not wegen / Darmit man kain
 landts steuer dürfft auff den armen anlegen / Sol mans
 von disem überschuß außrichten / Auch ob sach were das
 Ein christ ains oder mer dorffer weren / die den zehenden selbs ver
 liche erpriet kaufft hettent auß ettlicher not halbē / die selbigē so dar
 tung umb zū zaigen / in der gestalt haben von aynem ganzen
 dorff der sol es nit entgeltē / Sond wir wellen vns zym
 Luce. 6 licher weys nach gestalt vñ sach mit im vergleychen / im
 Math. 5 sollichs wider mit zymlicher zyl vnd zeyt ablassen / Aber
 Ma sol nie wer vō kainem dorff sollichs Erkaufft hat vñ ire forsa
 emät nichts ren inen selbs solchs zugeaygent haben / wöllen vnd sol
 nemen. en vnd seynd inen nichts weyt ers schuldig zugeben / al
 ain wie obstat vnsern Erwöltē Pfarer darmit zū vnd
 erhalten / Nach malen ablesen / oder den dürfftigē mit
 tailen / wie die hailig geschryfft innhölt / Sy seyen gaist
 lich / oder weltlich den Klaynen zehat wöllen wir gar nit
 geben / Dan Got der herz dz vich frey dem menschen be
 Genesis. 1 schaffen / das wir für ain vnzymlichē zehat scherzen / den
 die menschen erdicht haben / Darumb wöllen wir in nit
 weytter geben.

Der drit artickel.

Zum dritten / Ist der brauch bysher gewesen das man
 1. Petri. 1 vns für ir eigen leüt gehalten haben / wölch zū erbarm
 1. Chor. 7 en ist / angesehen das vns Christus all mitt seynem kost
 parlichen plüt vergüssen / erlöset vnd erkauft hat / Den

Hyrtten gleych alls wol alls Den höchsten / Ein auß ge-
 nommen / Darumb erfindt sich mit der geschryfft das
 wir frey seyen vnd wöllen sein / Nit dz wir gar frey wöl-
 len seyn / Ein oberkeit haben wellen / Lernet vnß Gott
 nit / wir sollen in gepott enleben nit yn freyem fleyschlich
 en mütwilen. Sonder got lieben in als vnserm Herren.
 in vnsern nechsten erkennen / vnd alles das so wyr auch
 gern hetten / das vnns Got am nachtmal gepotten hat
 zu einer ley / darumb sollen wir nach seinem gepot leben
 zaigt vnd weist vnß diß gepot nit an das wir der ober-
 keit nit korsam seyen / nit allain der oberkeit / sunder wir
 sollen vnß gegen jederman diemütigñ / das wir auch ge-
 ren gegen vnser eruelten vnd gesetzten oberkeit (so vnß
 von Got gesetzt) in allen zimlichen vñ Christlichen sach-
 en geren gehorsam sein / seyen auch onzweyfel ir wedende
 vnß der eigenschafft als war vnd recht Christen geren
 endtlassen oder vnß im Euangeli des berichten dz wir ß
 seyen.

Der Viert Artickel.

Zum vierten ist biß her im brauch gewesen / dz Kayn arm
 er man nit gewalt gehabt hatt / das willpret gefigel oder
 fisch in fließenden wasser nit zu fachen zu gelassen werde /
 welchs vnß ganz vnzymlich vñ vnbrüderlich dunckt / sun-
 der eigennützig vñ dem wort Got nit gemeyß sein / Auch
 in etlichen ortern die oberkeit vnß dz gewild zu trug vnd
 mechtigem schaden habē / wil vnß dz vnser (so Got dem
 menschen zu nutz wachsen hat lassen) die vnuernüfftigen
 thyer zu vnuz versreyen mütwiliglich leydē müssen) /
 dar zu stillschweigen das wider Gott vnd dem nechsten
 ist / Wan als Gott der herr den menschen erschuff / hat er
 im gewalt geben vber alle thier / vber den vogel im lufft
 vnd vber den fisch im wasser. Darumb ist vnser begeren
 wan einer wasser hette dz ers mit gnügsamer schriff be-

Roma. 13
 Sapient. 6
 1. Petri. 2

Deut. 6
 Math. 4
 Luce. 4.
 Luce. 6.
 Math. 5
 Iehan. 13

Rom. 13

Actus. 5
 Ain Cris-
 tliche erbie-
 tung.

Gene. 1
 Actus. 10
 1 Timo 4
 1 Cor. 10.
 Coloss. 2
 Ain Chris-
 tliche erbie-
 tung.

Ein chri-
stliche er-
bietung

weyßen mag das man das wasser vnwyssenlych also er-
kaufft hette / begeren wir ins nit mit gewalt zu nemen
Sunder man müst ain Christlich eynsehen darynnen
habē vō wegen brüderlicher lieb / aber wer nit gnügsam
anzaigen darūm kan thon / solß ainer gemayn zimlich-
er weyß mitailen.

Der Sunfft artickel.

Wie oben
im ersten
cap. des. 1
büch Mo-
sianzagt
ist.

Hieraus
nit auß-
rayttung
des holtz
geschehen
wirti ange-
sehen die
verordnet
Ein crist-
liche erbie-
tung.

Zum fünfften seyen wir auch beschwert der beholzung
halb / Dañ vnser herrschafften habend inenn die höltzer
alle allain geaignet / vñ wañ der arm man was bedarff
müß ers vmb zway geltt kauffen / ist vnser maynung
was für höltzer seyen / Es habens geistlich oder weltlich
innen die es nit erkaufft haben / sollen ayner gangen ge-
main wider anheim fallen / vñ ainer gemayn zimlicher
weyß frey sein ain yetlichē sein nocurfft ins hauß zu brē-
en vñ sunst lassen nemen / auch wañ vō nöten sein wurde
zu zimern auch vñ sunst nemē / doch mit wissen der so vō
d̄ main darzu erwelt werde. So aber kain verhandn̄
wer / dañ das so redlich erkaufft ist wordenn / Sol man
sich mit den selbigen brüderlich vñ Christlich vergleich-
en / Wañ aber das gut am anfang auß inen selbs geay-
gnet wer worden vnd nachmals verkaufft worden / Sol
man sich vergleichen nach gestalt der sach vñ erkantnuß
brüderlicher lieb vnd heiliger geschriff.

Der Sechst artickel.

Roma. 10

Zum sechsten ist vnser hart beschwerung der dyenst hal-
ben wölche von tag zu tag gemert werden vnd teglich zu
nemen / begeren wir das man ain zimlich einsehen dar
ein thū / vñß der massen nit so hart beschweren / Sonder
vns gnedig hier innē ansehen wie vnser Eltern gedient
haben allain nach laut des wort gots.

Der Sybent Artickel.

Zum sibendē dz wir hinsüro vns ain herschafft mit weyter wölle lassen beschwerē / sond wies ain herschafft zymlicher weis ain verleycht also sol erß besitzē laut der vereinigūg des herren vñ bauren / Der herz soll in nit weiter zwyngen noch dryngen mer dyenst noch anders von im vmb sunst begeren / Darmit der Baur solych gütt on beschwert also rüeblich brauchen vnd niessen müg / ob aber des herrē dienst von nöttē weren / sol im der baur willig vñ gehorsam für ander sein / doch zū stund vnd zeyt / das dem bauren nit zū nachtail dyen / vñnd ime vmb aynen zymlichen pffenning denckün.

Luce. 3
Tessa. 6.

Der Achtet Artickel.

Zum achten sey wir beschwert / vñ der vil. so güter inners haben / das die selbigen güter die gült nit ertragen künde vnd die Bauren das jr darauff einbiessen vñ verderben. das die herschafft die selbigen güter / Erberleue besichtigē lassen / vñ nach der billikayt ain gylt erschöpff / da mit der baur sein arbeit nit vmb sunst thye / dan ain yetlicher tagwercker ist seyns lons würdig.

Math. 10

Der Neundt Artickel.

Zum neüntē seyn wyrt beschwert der grossen frefel / so man stet new sagung macht / nit dz man vns strafft nach gestalt der sach / sunder zū zeyten auß grossen neyd / vnd zū zeyten auß grossen gunst / Ist vnser maynung / vns bey alter geschribner straff straffen / darnach die sach gehandelt ist / vnd nit nach gunst.

Esai. 10
Ephes. 6

Luce. 3
Ihere. 26

Der Zehent Artickel.

Wye oben
Luc. 6
Christlich
erbiung.

Zum zehenden sey wir beschwert / das etlich haben inets
zungeaignet / wifen der gleichē ecker die dan ainer gemain
zu geherend / Die selbigen werden wir wider zu vnsern
gemainen handen nemen / Es sey dann sach das mans
redlich erkauft hab / wan mans aber vnbillicher weys
erkauft het / Sol man sich gutlich vnd briederlich mit
ainander vergleychen nach gestalt der sach.

Der Aylffte Artickel.

Deutro. 18
Math. 8
Math. 23
Esaie. 10

Zum ailften wellen wir den brauch genant den todt fall
gang vn gar abhün habn / Den nimer leidē noch gestat
ten / das man witwen waisen das jr wider Got vn eere /
also schentlich nemen berauben sol / wie es an vil ortten
(menigerlay gestalt) geschehen ist / vn von den / so sy besitz
en vnd beschirmen solten / hand sy vns geschunden vnd
geschaben / vnd wan sy wenig süg hettendt gehabt / hett
endt diß gar genomen / dz Got nit mer leidē wyl / sunder
sol gang absein / Ein mensch nichts hinsiro schuldig sein
zu geben / weder wenig noch vyl.

Beschlus.

Die weyl
alle artick
el im wort
Gotes be
gryffen sey
en.
Christliche
erbiung.

Zum zwelften ist vnser beschlus vn endtlyche maynüg /
wann ainer oder mer Artickel alshie gesteldt (So dem
wort Gotes nit gemess) weren / als wir dan nit vermain
en die selbigen artickel / wo man vns mit dem wort Gots
für vnzimlich anzaigen / wolt wyr daruon abston / wan
mans vns mit grunde der schrift erklert. Ob man vns
schon etlich artickel yetz zu lyess / vn hernach sich besend
das vnrecht weren / sollen sy von stundan todt vn absein.

nichts mer gelten / der gleichen ob sich in der schrift mit
der warhait mer articel erfunden / die wider Got vnd
beschwerms des nächsten weren / wöll wir vnns auch
vorbehalten / vnd beschlossen haben / vnd vns in aller
Christlicher leer yeben vnd brauchen / darumb wir Gott
den herren bitten wöllen / der vns das selbig geben kan
vnd sunst nyemant / Der frid Christi sey mit vns allen.

B 4

Handwritten text, likely bleed-through from the reverse side of the page. The text is mirrored and difficult to decipher.

B. ST. B.
MÜNCHEN

Handwritten mark or signature, possibly a date or initials.